



CYNGOR

COFNODION O'R CYFARFOD EITHRIADOL A GYNHALIWIYD YN NHŶ PENALLTA, YSTRAD MYNACH AR DDYDD LLUN, 28 HYDREF 2019 AM 5.00PM

YN BRESENNOL:

Y Cynghorydd J. Simmonds - Maer
Y Cynghorydd C. Andrews - Dirprwy Faer

Cynghorwyr:

M. Adams, Mrs E. Aldworth, P.J. Bevan, C. Bezzina, A. Collis, S. Cook, D. Cushing, C. Cuss, M. Davies, D.T. Davies, K. Dawson, N. Dix, M. Evans, A. Farina-Childs, Mrs C. Forehead, Ms E. Forehead, A. Gair, Ms J. Gale, N. George, C. Gordon, R.W. Gough, D.T. Hardacre, D. Harse, D. Havard, A. Higgs, A. Hussey, M. James, L. Jeremiah, G. Johnston, Mrs B. Jones, S. Kent, G. Kirby, Mrs A. Leonard, Ms P. Leonard, C.P. Mann, Mrs P. Marsden, B. Miles, S. Morgan, Mrs G. Oliver, B. Owen, Mrs G. Oliver, B. Owen, T. Parry, Mrs L. Phipps, D.V. Poole, Mrs D. Price, J. Pritchard, J. Ridgewell, J.E. Roberts, G. Simmonds, J. Simmonds, J. Taylor, C. Thomas, A. Whitcombe, R. Whiting, L. G. Whittle, T. Williams, W. Williams, B. Zaplatynski

Ynghyd â:-

D. Street (Cyfarwyddwr Corfforaethol Gwasanaethau Cymdeithasol), R. Tranter (Pennaeth Gwasanaethau Cyfreithiol a Swyddog Monitro), L. Donovan (Pennaeth Gwasanaethau Pobl), L. Lane (Dirprwy Swyddog Monitro a Phennaeth Gwasanaethau Democraidd), S. Harris (Pennaeth Dros Dro Gwasanaethau Gwella Busnes a Swyddog Dros Dro Adran 151) ac E. Sullivan (Uwch Swyddog Gwasanaethau Pwyllgor)

Hefyd yn bresennol:

J. Bowers QC

TREFNIADAU FFILMIO GWE-DDARLLEDU A PHLEIDLEISIO

Atgoffodd y Cyfarwyddwr Corfforaethol Gwasanaethau Cymdeithasol y rheini oedd yn bresennol fod y cyfarfod yn cael ei ffilmio a byddai'n cael ei ddarparu ar gyfer y cyhoedd yn fyw a'i archifo drwy wefan y Cyngor. Dywedodd y byddai penderfyniadau yn cael eu gwneud drwy'r system bleidleisio electronig.

1. YMDDIHEURIADAU AM ABSENOLDEB

Cafwyd ymddiheuriadau am absenoldeb gan y Cynghorwyr A. Angel, L. Binding, W. David, C.

Elsbury, K. Etheridge, J. Fussell, L. Harding, V. James, D. Preece, R. Saralis, M.E. Sargent, J. Scriven, S. Skiven ac E. Stenner.

2. DATGANIADAU O FUDDIANT

Datganodd y Cynghorwyr C. Gordon a T.D. Davies fuddiant yn Eitem 4 ar yr Agenda. Mae manylion wedi eu cofnodi gyda'r eitem berthnasol.

Gofynnodd y Cynghorydd M. Adams am gyngor mewn perthynas â datgan buddiant. Fel Cadeirydd blaenorol y Pwyllgor Ymchwilio a Disgyblu fe wnaeth sylwadau ynghylch rhai o'r materion a fydd yn cael eu hystyried. Cadarnhaodd y Swyddog Monitro mai mater i'r aelod unigol ei benderfynu oedd hwn. Os oedd yr aelod yn teimlo ei fod yn gallu ystyried y mater yn deg ac yn wrthrychol nid oedd angen datgan buddiant. Nid oedd yn gwestiwn o ddatgan buddiant ond yn hytrach a oedd gan yr aelod wrthdrawiad buddiannau a fyddai'n ei atal rhag cymryd rhan yn y ddatgan a phleidleisio. Cadarnhaodd y Cynghorydd Adams ei fod yn teimlo bod ganddo'r gallu i fod â meddwl agored ac y byddai'n aros ac yn cymryd rhan yn y cyfarfod.

Gofynnodd y Cynghorydd D.V. Poole, gan ei fod wedi bod yn gohebu â'r Cyn-brif Weithredwr mewn perthynas â thaliadau gwyliau blynyddol, am gyngor a oedd angen iddo ddatgan buddiant yn hyn o beth. Cadarnhaodd y Swyddog Monitro mai mater i'r Cynghorydd unigol ei benderfynu oedd hwn. Os oedd yn teimlo ei fod yn gallu gweithredu'n deg ac â meddwl agored mewn perthynas â'r mater dan sylw, nid oedd gwrthdrawiad buddiannau.

Gofynnodd y Cynghorydd M. James am gyngor gan fod yr adroddiad yn cyfeirio at rai materion y byddai'n eu cyfeirio at dîm cyfreithiol y Cyn-brif Weithredwr, ac oherwydd hyn, roedd angen iddo ddatgan buddiant. Cadarnhaodd y Swyddog Monitro, yn debyg i'r cyngor blaenorol, mater i'r aelod unigol ei benderfynu oedd hwn, ac os oedd yr Aelod yn teimlo ei fod yn gallu gweithredu'n wrthrychol ac yn deg yn y mater hwn nid oedd angen gadael y cyfarfod.

Rhybuddiodd y Swyddog Monitro'r Aelodau i fod yn ofalus gyda geiriad unrhyw gwestiynau yn ystod sesiwn cyhoeddus y Cyngor oherwydd natur sensitif y mater dan sylw.

3. MATER EITHRIEDIG

Rhodddwyd ystyriaeth i brawf budd y cyhoedd a chynghorodd y Swyddog Monitro'r Aelodau yn gadarn, ar sail y wybodaeth bersonol ac ariannol yn yr adroddiad, na ddylid trafod y mater yn gyhoeddus a dylid gwahardd y wasg a'r cyhoedd.

Ar ben hynny, byddai unrhyw gyngor a rhoddir gan Mr John Bowers QC dan fraint gyfreithiol ac felly byddai'n fwy cyfleus o ran gweinyddiaeth wahardd y wasg a'r cyhoedd yn ystod y rhan hon o'r cyfarfod yn hytrach nag yn hwyrach yn y ddatgan pan ofynnir am gyngor cyfreithiol.

Holodd Aelod am yr angen am eithrio, gan nad oedd y Cyn-brif Weithredwr wedi'i gyflogi gan y Cyngor mwyach ac roedd y mater wrth law eisoes ar gael yn gyhoeddus trwy'r wasg. Yn ychwanegol, roedd Mr O'Sullivan ei hun wedi gofyn yn flaenorol i'r achos disgyblu ar 3 Hydref 2019 fod yn agored i'r wasg a'r cyhoedd.

Atgoffodd y Swyddog Monitro'r Aelodau na ddylai datgeliad answyddogol yr adroddiad na'r ohebiaeth ddilynol fod wedi cael eu cyhoeddi ac roedd yn torri'r cod ymddygiad yn glir ac ailbwysleisiodd ei gyngor cadarn y dylai'r wasg a'r cyhoedd cael eu gwahardd.

Ystyriodd yr Aelodau dystysgrif prawf budd y cyhoedd gan y Swyddog Priodol a daethant i'r casgliad bod ar gyfartaledd y budd i'r cyhoedd o gynnal yr eithriad yn bwysicach na'r budd i'r cyhoedd o ddatgelu'r wybodaeth. Cytunwyd ar hyn gan y mwyafrif a oedd yn bresennol trwy godi dwylo.

PENDERFYNWYD, yn unol ag Adran 100A (4) o Ddeddf Llywodraeth Leol 1972, fod y cyhoedd yn cael ei wahardd o weddill y cyfarfod oherwydd y byddai'n debygol y datgelir gwybodaeth eithriedig iddynt fel y nodwyd ym mharagraff 12 ac 14 o Ran 4 o Atodlen 12A i Ddeddf Llywodraeth Leol 1972.

4. CEISIADAU AM DALIADAU NEU AD-DALIADAU O SYMIAU GAN Y CYN-BRIF WEITHREDWR

Datganodd y Cyngorydd C. Gordon fuddiant personol a rhagfarnol fel Cadeirydd y Pwyllgor Archwilio a Disgyblu a datganodd y Cyngorydd D.T. Davies fuddiant personol a rhagfarnol fel Aelod o'r Pwyllgor Archwilio a Disgyblu a gadawodd y ddau'r Siambr cyn trafod y mater.

Ar ôl ystyried cynnwys yr adroddiad, y cyngor a roddwyd yn ystod y cyfarfod a'r rhesymau a rhoddwyd yn adroddiad y Swyddog yn llawn, cynigiwyd ac eiliwyd pleidleisio dros bob eitem yn unigol, trwy'r system pleidleisio electronig.

Mewn perthynas â'r taliad y gofynnwyd amdano yn adran 3.1.1 o adroddiad y Swyddog, ac wrth nodi bod 4 o blaid, 50 yn erbyn a 3 yn ymwrthod, gwrthodwyd hyn gan y mwyafrif a oedd yn bresennol.

Mewn perthynas â'r taliad y gofynnwyd amdano yn adran 3.1.2 o adroddiad y Swyddog, ac wrth nodi bod 53 yn erbyn ac 1 yn ymwrthod, gwrthodwyd hyn gan y mwyafrif a oedd yn bresennol.

Mewn perthynas â'r taliad y gofynnwyd amdano yn adran 3.1.3 o adroddiad y Swyddog, ac wrth nodi bod 54 yn erbyn ac 1 yn ymwrthod, gwrthodwyd hyn gan y mwyafrif a oedd yn bresennol.

Mewn perthynas â'r taliad y gofynnwyd amdano yn adran 3.1.4 o adroddiad y Swyddog, ac wrth nodi bod 1 o blaid, 54 yn erbyn ac 1 yn ymwrthod, gwrthodwyd hyn gan y mwyafrif a oedd yn bresennol.

Mewn perthynas â'r taliad y gofynnwyd amdano yn adran 3.1.4 o adroddiad y Swyddog, nodwyd Aelodau bod y cyn-brif Weithredwr wedi tynnu'r cais hwn yn ôl.

PENDERFYNWYD cymeradwyo:-

- (i) Gwrthod y taliad y gofynnwyd amdano yn adran 3.1.1 o adroddiad y Swyddog.
- (ii) Gwrthod y taliad y gofynnwyd amdano yn adran 3.1.2 o adroddiad y Swyddog.
- (iii) Gwrthod y taliad y gofynnwyd amdano yn adran 3.1.3 o adroddiad y Swyddog.
- (iv) Gwrthod y taliad y gofynnwyd amdano yn adran 3.1.4 o adroddiad y Swyddog.
- (iv) Nodi bod y taliad y gofynnwyd amdano yn adran 3.1.5 o adroddiad y Swyddog wedi'i dynnu yn ôl.

Terfynwyd y cyfarfod am 18:30

Wedi'i gymeradwyo fel cofnod cywir ac yn amodol ar unrhyw newidiadau neu gywiriadau a gytunir arnynt ac a gofnodir yng nghofnodion y cyfarfod a gynhelir ar 19 Tachwedd 2019 ac fe'u llofnodwyd gan y Maer.

MAER